

## Paerewa Paetae

<b>Aronga</b>	Hangarau 1.2		
<b>Ingoa</b>	Te whakamahere i te putanga o tētahi hua hangarau mai i te mātauranga Māori hei whakaea i tētahi tauāki		
<b>Kaupae</b>	1	<b>Whiwhinga</b>	4
<b>Marau akoranga</b>	Te Marautanga o Aotearoa		
<b>Kokonga akoranga</b>	Hangarau		
<b>Mana rēhita</b>	Kua rēhitatia	<b>Te rā i mana ai</b>	12 Hakihea 2013
<b>Te rā e arotakengia ai</b>	31 Hakihea 2016	<b>Te rā i puta ai</b>	12 Hakihea 2013

### Te Hononga ki te Marautanga

I ahu mai tēnei paerewa paetae i te Taumata 6 o *Te Marautanga o Aotearoa*, i whakaputaina e Te Pou Taki Kōrero i te tau 2008.

### Whāinga Paetae

#### Ngā Āhukatanga o te Hangarau

- 1 *Ka tirohia ngā uara me ngā whakapono o iwi kē, ka:*
  - *whakahāngai ki te otinga;*
  - *mōhio ki ngā whakaharatau;*
  - *whakarite ki ngā hangarau a tangata kē;*
  - *mārama ki ngā ārai me ngā huarahi wātea ka taea.*
- 2 *Ka tūhura i ngā āhukatanga matua o te tangata e pā ana ki:*
  - *ngā pūnaha, ngā tukanga rānei;*
  - *te hiahia o ngā kiritaki;*
  - *ngā rautaki whakatairanga ki te kiritaki.*

#### Te Whakaharatau Hangarau

- 3 *Ka arohaehae i ngā whakatakotoranga hoahoa whaiaro, ā ētahi atu hoki, hei āwhina.*
- 4 *Ka whakamātautau i ngā raraunga me ngā mōhiotanga hou kia puta ai he otinga tika.*

E hono ana ki te Papa Whakaako mō Hangarau kei te pae tukutuku nei:

<http://tmoa.tki.org.nz/Te-Marautanga-o-Aotearoa/Taumata-Matauranga-a-Motu-Ka-Taea>.

### Te Hononga ki ngā Tikanga Aromatawai

Kei tēnei pae ipurangi ngā Tikanga Aromatawai mō tēnei paerewa paetae:

<http://tmoa.tki.org.nz/Te-Marautanga-o-Aotearoa/Taumata-Matauranga-a-Motu-Ka-Taea>.

**Paerewa Paetae**

<p><b>Paetae</b> Te whakamahere i te putanga o tētahi hua hangarau mai i te mātauranga Māori hei whakaea i tētahi tauāki.</p>	<p>Hei tohu i te paetae:</p> <ul style="list-style-type: none"> <li>• Ka whakawhanake i tētahi mahere mā te rangahau, te whakamātautau me te ui i ngā whakaaro o te hapori.</li> <li>• Ka whakaputa mahere mai i te mātauranga Māori e puta ai he hua hangarau kia ea ai te tauāki.</li> </ul>
<p><b>Kaiaka</b> He kaiaka te whakamahere i te putanga o tētahi hua hangarau mai i te mātauranga Māori hei whakaea i tētahi tauāki.</p>	<p>Hei tohu i te kaiaka:</p> <ul style="list-style-type: none"> <li>• Ka whakamārama i te whaitake o tētahi mahere e puta ai he hua hangarau mai i te mātauranga Māori kia ea ai te tauāki.</li> </ul>
<p><b>Kairangi</b> He kairangi te whakamahere i te putanga o tētahi hua hangarau mai i te mātauranga Māori hei whakaea i tētahi tauāki.</p>	<p>Hei tohu i te kairangi:</p> <ul style="list-style-type: none"> <li>• Ka parahau i te whaitake o tētahi mahere e puta ai he hua hangarau mai i te mātauranga Māori kia ea ai te tauāki.</li> </ul>

**Kōrero Āpiti**

1 E whai ake nei kō te whakamāramatanga o ngā kupu whaitake, kīanga rānei:

<p>Ka whakawhanake i tētahi mahere</p>	<p>Mā te kōrero kanohi-ki-te-kanohi, te karakia, te tiaki i te tapu o te kōrero, te whaimana o te katoa, te ū ki ngā kawa o te marae, o te whare hoki, te ngākau māhorahora ki ngā huatau maha, te manaaki, te āta pōhiri i te hunga katoa e whai pānga ana. Waihoki, mā te whakapukapuka, mā te whakakōnae, ā-kōpaki, ā-rorohiko rānei e mau ai ngā kōrero whakakaupapa arā, mā te ōhia manomano, te whakakongakonga whakaaro, te wherawhera ariā, te rātaka, te mahere ripanga, te whitiata, te hopureo, te whakaaturanga, te kohinga whakaahua, te ripanga, me te pātengi raraunga.</p>
<p>tauāki</p>	<p>He pitopito kōrero whānui tonu mō tētahi hua hangarau, arā, mō tōna āhua, te pēhea o tana mahi me te take e mahia mai ai, tae rawa atu ki ngā tino tohutohu mō te whakaputa i taua hangarau. Mā taua hangarau e ea ai ngā hiahia o te tangata e whai pānga ana, otirā e whāia ai ētahi huarahi hou kua wātea mai i roto i te ao hurihuri.</p>

	Ka waiho te tauāki nei hei ārahi i te ringa hangarau i roto i te whakaputanga o te hua hangarau, otirā hei arotake i te hāngai me te whaitake o taua hangarau ki te take i whakaputaina ai.
mātauranga Māori	Ngā mātauranga, ngā māramatanga me ngā whakapono o te Māori. Nō nehe, nō nāianeī, ā, mō āpōpō hoki. He mātauranga anō tō tēnā hapū, tō tēnā iwi.
hua hangarau	Ko tētahi hanga, ko tētahi pūnaha, ko tētahi tukanga rānei, otirā tērā pea ko te tauira, ko te hoahoa rānei mō tētahi o aua hua hangarau.
whaitake	Kua whaitake te mahere mēnā ka whakatakoto i te huarahi kia ea ai te tauākī. Mā te whakamātautau me te ui i ngā whakaaro o te hunga e whai pānga ana e taunakihia ai te whaitake o te mahere.

- 2 Heoi, ko te tauāki ka tohungia e te kaiako, e te ākonga rānei. Ka mutu, kāore e aromatawaingia ngā āhuatanga e pā ana ki te putanga o te tauāki i tēnei paerewa. Tērā e tīkina atu te tauāki i puta i Paerewa Paetae AS91714 Hangarau 1.1. Mā te kaiako anō e whakatau mēnā e pai ana te tauāki hei whakatutuki i tēnei aromatawai.

Kuputaka:

tauāki

brief

whakamahere

plan

## Tātari Kounga

- 1 Me mātua whakamana ngā Kaituku Akoranga me ngā Whakahaere Whakangungu Ahumahi e te Mana Tohu Mātauranga o Aotearoa ka rēhita ai i ngā hua ka puta mai i ngā aromatawai ki ngā paerewa paetae.
- 2 Ko ngā Kaituku Akoranga me ngā Whakahaere Whakangungu Ahumahi kua mana, ā, e aromatawai ana i ā rātou hōtaka ki ngā paerewa paetae, me uru rātou ki ngā pūnaha whakarite e tika ana mō aua paerewa paetae.

Ko te tohutoro ki te Mahere Whakamana, Whakaōritenga hoki

0233